

К ОПУБЛИКОВАНИЮ

КОМИ РЕСПУБЛИКАЛÖН ОЛАНПАС

«Коми Республика мутасын вör йитöдъяс ладмöдöм йылысь» Коми Республикаса Оланпасö вежсьöмъяс пыртöм йылысь

Примитöма Коми Республикаса
Каналан Сöветөн

2023 вося вöльгым тöлысь 30 лунö

1 статья. Пыртны «Коми Республика мутасын вör йитöдъяс ладмöдöм йылысь» Коми Республикаса Оланпасö (Коми Республикаса канму власьт органъяслöн индöд-тшöктöмъяс, 2007, 4 №, 4766 ст.; 6 №, 4843 ст.; 8 №, 4932 ст.; 9 №, 4986 ст.; 11 №, 5148 ст.; 12 №, 5355 ст.; 2008, 2 №, 9 ст.; 6 №, 279 ст.; 9 №, 397 ст.; 11 №, 616 ст.; 2009, 7 №, 78 ст.; 11 №, 186 ст.; 21 №, 368 ст.; 33 №, 617 ст.; 2010, 24 №, 571 ст.; 2011, 23 №, 602 ст.; 2012, 63 №, 1543 ст.; 2013, 5 №, 103 ст.; 2014, 9 №, 112 ст.; 27 №, 514 ст.; 2016, 12 №, 147 ст.; 21 №, 327 ст.; 2017, 26 №, 460 ст.; 2018, 14 №, 241 ст.; 2019, 15 №, 208 ст.; 2021, 3 №, 45 ст.; 2022, 9 №, 123 ст.; 15 №, 244 ст.) татшöм вежсьöмъяс:

1. Содтыны татшöм сюрöса 1¹ статья:

«1¹ статья. Тайö Оланпасын вöдитчан шör кыввежöртасьяс

1. Тайö Оланпассö збыльмöдöм могысь вöдитчöны татшöм кыввежöртасьясöн:

1) öти во улын гөгöрвосьö öти календарнöй во;

2) стрöитчысь улын гөгöрвосьö гражданин, кодi Коми Республика мутасын меститчысь эмбуралан инöд либö кöртымалан, мынтысьтöг вöдитчан, пыр (кад урчиттöг) вöдитчан инöд вылын аслас му участокын могмöдö ас олан керка стрöитöмсö, кутшöмöс абу на заводитöма стрöитны либö кутшöмлысь лöсьöдöны подуvsö, ас олан керка дзоньталöмсö да (либö) выльмöдöмсö, садовöй керка стрöитöмсö да (либö) дзоньталöмсö;

3) овмöс нуöдан могьяс улын гөгöрвосьöны Коми Республика мутасын меститчысь олан пунктъяслöн муясын, сад вöдитан му участокъясын, град выв пуктас вöдитан му участокъясын, аспом подсобнöй овмöс нуöдöм вылö сетöм му участокъясын москияс, потшöсьяс, юкмöсьяс стрöитöм, дзоньталöм вылö да мукöд татшöмсяма могын вөрöн вöдитчöм;

4) традиционнöй прöмьсяс улын гөгöрвосьöны Коми Республика мутасын вөрöн вöдитчöмөн пуысь кöлуй, тасьтi-пань вöчöм, пыжьяс стрöитöм, лызьяс, додьяс (нортьяс) да традиционнöй прöмьсын мукöд сикас изделие вöчöм;

5) выльмöдöм улын гөгöрвосьö олан керкалысь параметрьяссö, олан

керкалысь юкӧнсӧ, уна патераа пу керкаын, блокируйтӧмӧн стрӧйтӧм пу керкаын олан жырсӧ, налысь юкӧньяссӧ (джудждасӧ, судта лыдсӧ, площадьсӧ, ыдждасӧ) вежӧм, кутшӧмъяс эмӧсь гражданаӧн му участокъяс вылын, кутшӧмъяс меститчӧны Коми Республика мутасын, сы лыдын индӧм объектъяссӧ содтӧд стрӧйтӧм, выль ног вӧчӧм, паськӧдӧм, а сідзжӧ налысь подув стрӧитчан конструкцияссӧ вежӧм да (либӧ) бӧр лӧсьӧдӧм, татшӧм конструкцияслысь торъя элементъяссӧ татшӧм жӧ либӧ мукӧд элемент выль, кутшӧмъяс бурмӧдӧны татшӧм конструкцияслысь петкӧдласьяссӧ, вежӧм да (либӧ) индӧм элементъяссӧ бӧр лӧсьӧдӧм кындзи;

6) дзоньталӧм улын гӧгӧрвосьӧ тайӧ Оланпаслӧн 4¹ статьяса 1 юкӧнлӧн 3, 4, 11 пунктъясын индӧм объектъяслысь стрӧитчан конструкцияссӧ либӧ татшӧм конструкцияслысь элементъяссӧ, кутшӧмъяс эмӧсь гражданаӧн му участокъяс вылын, кутшӧмъяс меститчӧны Коми Республика мутасын, вежӧм да (либӧ) бӧр лӧсьӧдӧм, подув стрӧитчан конструкцияс кындзи, а сідзжӧ подув стрӧитчан конструкцияслысь торъя элементъяссӧ татшӧм жӧ либӧ мукӧд элемент выль, кутшӧмъяс бурмӧдӧны татшӧм конструкцияслысь петкӧдласьяссӧ, вежӧм да (либӧ) индӧм элементъяссӧ бӧр лӧсьӧдӧм;

7) овмӧс стрӧйбаяс улын гӧгӧрвосьӧны гражданинлӧн му участок вылын, мый меститчӧ Коми Республика мутасын, гаражъяс, скӧт да лӧбач видзӧм, кӧрым, овмӧс инвентар, видз-му овмӧс прӧдукция видзӧм выль стрӧйбаяс да сооружениеяс, сарайяс, пывсянъяс, тепличаяс, лӧбувъяс, кӧбрӧгъяс, юкмӧсьяс, мукӧд сооружение да стрӧйба (сы лыдын недыр кадся), кутшӧмъясӧс лӧсьӧдӧма гражданаӧнысь бытӧвӧй да мукӧд коланлун могмӧдӧм выль;

8) пачӧн ломтысьӧм улын гӧгӧрвосьӧ шонтӧм могысь пачӧн ломтысьӧм либӧ сувтӧдӧм шоньд сетан асшӧр системаӧн вӧдитчӧм, мый уджалӧ пес вылын;

9) пӧрӧдтӧм вӧр улын гӧгӧрвосьӧ делӧвӧй, пес выль вӧрлӧн да сылӧн шыбласьяслӧн ӧтувъя видзас;

10) подув конструкцияс улын гӧгӧрвосьӧ джодж-йирк, стенъяс, сюръяс, мыджӧдъяс, колоннаяс ставнас ӧтлаын.

2. Тайӧ Оланпасын «олан керка», «ас оланін стрӧитан объект», «ас олан керка» кыввежӧртасьясӧн вӧдитчӧны ӧти вежӧртасын.

3. Тайӧ Оланпасын вӧдитчан мукӧд терминӧн да кыввежӧртасӧн вӧдитчӧны сійӧ жӧ вежӧртасын, мый и федеральнӧй оланпастӧчасын.

2. 3 статьяса 1 да 4 пунктъясын «вӧр йитӧдъяс юкӧнын контроль да дӧзьӧр серти удж» кывъяс вежны «федеральнӧй канму вӧр контроль (дӧзьӧр)» кывьясӧн.

3. 4 статьяса 1 юкӧнын:

1) 14¹ пунктын «вӧрӧн вӧдитчан юкӧнын» кывъяс вежны «вӧр комплекс сӧвмӧдӧм могысь» кывьясӧн;

2) 14⁴ пунктун «3 юкөн серти» кывъяс вежны «4 юкөн серти» кывъясөн;

3) 14⁷ пунктун «мый быдмё вөр фондса муясын, а сідзжё вёрын,» кывъяс киритны;

4) 14⁹ пункт гижны тадзи:

«14⁹) Россия Федерацияса оланпастэчас серти татшём отчётъяс примитём:

вөрөн вөдитчысь гражданаынь, юридическёй кывкутысьясынь вөрөн вөдитчём йылысь, вөр заптём вылө вөрөн вөдитчём кындзи;

вөрөн вөдитчысь ашшөр уджалысьясынь, юридическёй кывкутысьясынь вөрсө видзём йылысь;

гражданаынь, юридическёй кывкутысьясынь, кодъяс быдтёны да рөдмөдөны вөрсө, вөрсө быдтём да рөдмөдём йылысь;».

4. 4¹ статья гижны тадзи:

**«4¹ статья. Гражданаён ас коланлун вылө
вөр заптан нормативъяс**

1. Урчитны гражданаён ас коланлун вылө вөр заптан татшём нормативъяс, федеральнөй төдчанлуна торйөн ёна видзан вөр-ва мутасъяслөн муясын вөр заптём кындзи (водзё – гражданаён ас коланлун вылө вөр заптём):

1) пу элементъясысь подув конструкцияса ас олан керка стрөитём вылө – кызь во чөжөн 150 куб. метрөдз өтувъя йөрышын пөрөдтём вөр өти стрөитчысь вылө арталөмөн;

2) тайө юкөнса 1 пунктөн абу урчитём материалъясысь либө сораса материалъясысь подув конструкцияса ас олан керка стрөитём вылө – кызь во чөжөн 50 куб. метрөдз өтувъя йөрышын пөрөдтём вөр өти стрөитчысь вылө арталөмөн;

3) олан керка, олан керкалысь юкөн, уна патераа пу керкаын, блокируйтөмөн стрөитём пу керкаын олан жыр дзоньталөм да (либө) вильмөдём вылө – вит онас өтчыдысь 20 куб. метрөдз пөрөдтём вөр өти стрөитчысь вылө арталөмөн;

4) овмөс стрөйбаяс стрөитём да (либө) дзоньталөм вылө – вит онас өтчыдысь 20 куб. метрөдз пөрөдтём вөр став овмөс стрөйба вылө, кутшөмъяс меститчөны өти му участок вылын, мый лоө гражданинлөн эмбуралан, көртымалан, дон босьттөг вөдитчан, пыр (кад урчиттөг) вөдитчан инөд вылын;

5) пачён ломтысян ас олан керка, уна патераа керкаын, блокируйтөмөн стрөитём керкаын олан жыръяс либө пачён ломтысян индём керкаяслысь юкөнъяс шонтём могысь – онас өтчыдысь 25 куб. метрөдз пөрөдтём вөр (мутасъяс кындзи, көні вөр заптан нормативсө урчитёма тайө юкөнса 6 пунктөн);

6) пачён ломтысян ас олан керка, уна патераа керкаын, блокируйтөмөн стрөитём керкаын олан жыръяс, кутшөмъяс меститчөны

Коми Республика мутасын, мый пырö Россия Федерацияса Арктика зонаö, кутшöмöс урчитöма «Россия Федерацияса Арктика зонаын предпринимательскöй удж нуöдöмын канмусянь отсöг сетöм йылысь» Федеральнöй оланпасöн, либö пачöн ломтысян индöм керкаяслысь юкөнъяс шонтöм могысь – вонас öтчыдысь 35 куб. метрöдз пöрöдтöм вөр;

7) пачöн ломтысян овмöс стрöйбаяс шонтöм могысь, кутшöмъяс меститчöны му участок вылын, мый лоö гражданинлөн эмбуралан, көртымалан, дон босьттöг вöдитчан, пыр (кад урчиттöг) вöдитчан инöд вылын, – вонас öтчыдысь 5 куб. метрöдз пöрöдтöм вөр тайö пунктын индöм овмöс стрöйбаяслөн лыд вылö видзöдтöг;

8) овмöс нуöдан могъяс вылö, кутшöмъяс йитчöмаöсь сиктса олан пунктъясын олысь йöзöн традиционнöй удж нуöдан аслыспöлöслункöд, а сідзжö кутшöмъяс артмöны сад вöдитгөн, град выв пуктас вöдитгөн, аспом подсобнöй овмöс нуöдгөн, – вит вонас öтчыдысь 5 куб. метрöдз пöрöдтöм вөр;

9) традиционнöй прöмысьяс нуöдöм вылö – вонас öтчыдысь 5 куб. метрöдз пöрöдтöм вөр;

10) садовöй му участокъяс вылын садовöй керка стрöитöм вылö – кызь вонас öтчыдысь 70 куб. метрöдз öтувъя йöрышын пöрöдтöм вөр öти стрöитчысь вылö арталöмөн;

11) садовöй му участокъяс вылын садовöй керка дзоньталöм вылö – кызь вонас öтчыдысь 20 куб. метрöдз öтувъя йöрышын пöрöдтöм вөр öти стрöитчысь вылö арталöмөн;

12) уна патераа керкаяслөн олан жыръясын, көнi эм шөр шоньд сетöм да кутшöмъясöс оборудуйтöм пескөн ва шонтан колонкаясөн (титанъясөн), ва шонтöм могысь – вонас öтчыдысь 5 куб. метрöдз пöрöдтöм вөр;

13) уна патераа керкаын, блокируйтöмөн стрöитöм керкаын олан жыръясын, көнi эм шөр шоньд сетöм да кутшöмъясöс оборудуйтöма сёян пуан пачөн, сёян пуом вылö – вонас öтчыдысь 5 куб. метрöдз пöрöдтöм вөр.

2. Сэк, кор эм му участоксö кык да унджык кийн кутысь (мукöд йöз, кодъяслөн эм веськöдлан (вöдитчан) инöдыс), индöм йöзлы вöрсö сетöны ас олан керка, садовöй керка стрöитан могъяс вылö налөн эмбур инöд (кийн кутан, веськöдлан, вöдитчан) ыдждалы тшöтшногөн тайö статьялөн 1 юкөнса 1, 2 да 10 пунктъясөн урчитöм нормативъяс мындаын.

Сэк, кор эм олан керкасö, олан керка юкөнсö, уна патераа пу керкаын, блокируйтöмөн стрöитöм пу керкаын олан жырсö, овмöс стрöйбаяссö, садовöй керкасö кык да унджык кийн кутысь (мукöд йöз, кодъяслөн эм веськöдлан (вöдитчан) инöдыс), вöрсö сетöны индöм йöз пöвстысь медводдзаөн шыödчысьлы тайö статьяса 1 юкөнөн урчитöм нормативъяс мындаын, тайö юкөнса витöд абзацөн урчитöм аслыспöлöслунъяссö тöд вылö босьтöмөн.

Сэк, кор эм му участоксö кык да унджык кийн кутысь (мукöд йöз, кодъяслөн эм веськöдлан (вöдитчан) инöдыс), вöрсö сетöны медводдзäөн шыöдчöм кийн кутысьлы (веськöдлысьлы, вöдитчысьлы), налысь öтувъя лыдсö тöд выlö босыттöг, овмöс стрöйбаяс стрöитан могъяс выlö тайö статьяса 1 юкөнлөн 4 пунктөн урчитöм нормативъяс мындаын.

Сэк, кор эм овмöс стрöйбаяссö кык да унджык кийн кутысь (мукöд йöз, кодъяслөн эм веськöдлан (вöдитчан) инöдыс), вöрсö сетöны медводдзäөн шыöдчöм кийн кутысьлы (веськöдлысьлы, вöдитчысьлы), налысь öтувъя лыдсö тöд выlö босыттöг, а сідзжö овмöс стрöйбаяслысь лыдсö тöд выlö босыттöг, тайö объектъяссö дзоньталан могъяс выlö тайö статьяса 1 юкөнлөн 4 пунктөн урчитöм нормативъяс мындаын.

Пачөн ломтысян ас олан керка, уна патераа керкаын олан жыръяс, блокируйтöмөн стрöитöм керка шонтöм могысь сэк, кор индöм вöрзöдны позьтöм объектъясөн веськöдлö (вöдитчö) кык да унджык кийн кутысь, веськöдлысь (вöдитчысь), вöрсö сетöны тайö статьялөн 1 юкөнса 5 да 6 пунктъясөн урчитöм нормативъяс мындаын керкалөн быд юкөн выlö, кöнi ломтысьöны пачөн.

Сэк, кор эм уна патераа керкаын олан жырсö, кöнi эм шөр шоньд сетöм да кутшöмöс оборудуйтöм пескөн ва шонтан колонкаөн (титанөн), либö уна патераа керкаын, блокируйтöмөн стрöитöм керкаын олан жырсö, кöнi эм шөр шоньд сетöм да кутшöмöс оборудуйтöма сёян пуан пачөн, кык да унджык кийн кутысь (мукöд йöз, кодъяслөн эм веськöдлан (вöдитчан) инöдыс), вöрсö сетöны индöм йöз пöвстысь медводдзäөн шыöдчысьлы, налысь öтувъя лыдсö тöд выlö босыттöг, тайö статьялөн 1 юкөнса 12 да 13 пунктъясөн урчитöм нормативъяс мындаын.

3. Тайö статьялөн 1 юкөнса 1 – 8 пунктъясөн урчитöм тшöкыдлунсö тöд выlö босыттöг гражданалөн эм инöд заптыны асланыс коланлун выlö вöрсö урчитöм нормативъяс мындаын сэк, кор венны позьтöм вын вöсна, стöчджыка кö, тайö условиеяс дырйи виччысьтöм да дугöдны позьтöм лоöмторъяс вöсна (пöжаръяс, ускöттöяс, мукöд лоöмтор), кутшöмъясöс граждана эз вермыны водзвыв тöдны либö öлöдны, налөн ас олан керкаыс, уна патераа керкаын, блокируйтöмөн стрöитöм керкаын олан жырьыс, овмöс стрöйбаясыс дзикöдз вошöмаöсь либö мыйтакö тшыкöмаöсь.

Россия Федерацияса гражданы (гражданинлы), кодъяс лоöны бать-мамөн (пи (ныв) пыдди босытысьясөн), кодъяслөн (кодлөн) эм куим да унджык челядь – 18 арöсöдз Россия Федерацияса граждана (сы лыдын пи-ныв пыдди босытöмаяс, дядьводз да ичиньводз ныв-пиян) ас олан керка стрöитöм выlö вöрсö, кутшöмлысь подув конструкцияссö вöчöма пу элементъясысь, сетöны урчитöм нормативъяс мындаын, кутшöмъясöс содтöма 15 куб. метрöдз быд кага выlö.».

2 статья. Тайö Оланпасыс вынсялö сійöс официальнöя йöзöдан лун бöрын дас лун кольöм мысти, положениеяс кындзи, кутшöмъяслы тайö

статьяөн урчитöма мöд вынсялан кадколаст.

Тайö Оланпаслөн 1 статьяса 2 пункт вынсялö 2024 вося төвшөр
тöлысь 1 лунсянь.

Тайö Оланпаслөн 1 статьяын 3 пунктса 4 пунктув вынсялö 2025
вося төвшөр тöлысь 1 лунсянь.

Коми Республикаса Юралысьлы да Коми Республикаса Веськöдлан
котырлы лöсьöдны ассьыныс нормативнöй инöда актъяссö тайö Оланпас
серти.

Коми Республикаса Юралысь

В.В. Уйба

Сыктывкар

2023 вося öшым тöлысь 11 лун

105-РЗ №